



30-03-2012

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	02.04.2012		
Organizacija:	Forumacija:	Redni broj:	Broj priloga:
01-50-1-15-23/12			

Broj: 01-6-50-775-8/12  
Datum: 27.03.2012.godine

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM  
SARAJEVO**

**n/r predsjedavajućeg Doma**

**Predmet:** Odgovor na poslaničko pitanje poslanika **SAŠE MAGAZINOVIĆA**,  
**dostavlja se,-**

**Veza:** Akt Predstavničkog doma Parlamentarne skupštine BiH broj 01/a-50-1-15-23/12 od 20.02.2012. godine

U prilogu akta dostavljamo Vam odgovor na postavljeno poslaničko pitanje **Saše Magazinovića**, koje je postavio na 23. sjednici Predstavničkog doma Parlamentarne skupštine Bosne i Hercegovine, održanoj **16.02.2012.** godine.

S poštovanjem,



**MINISTAR**

**mr. Sadik Ahmetović**

Dostavljeno  
-naslovu  
-a/a



**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM**

**n/r predsjedavajućeg Doma**

**SAŠA MAGAZINOVIĆ**, poslanik u Predstavničkom domu Parlamentarne skupštine Bosne i Hercegovine, na **23.** sjednici Predstavničkog doma održanoj **16. februara 2012.** godine, postavio je Ministarstvu sigurnosti BiH sljedeće poslaničko pitanje:

**1., „Kojim zakonom i kako je regulirano sankcioniranje fizičkih lica koja zbog prodaje sekundarnih sirovina uništavaju objekte od općeg interesa: dalekovode, saobraćajnu signalizaciju, šahtove, kablove i slično?**

**2. Da li se kažnjavaju i kako firme koje vrše otkup takvih materijala? Da li im se izriče kazna zabrane rada i u kojim situacijama?“**

**ODGOVOR**

Ministarstvo sigurnosti Bosne i Hercegovine je vezano za ovo poslaničko pitanje zatražilo odgovore od Federalne uprave policije, Ministarstva unutrašnjih poslova Republike Srpske i Policije Brčko Distrikta BiH, koje Vam u cijelosti prenosimo.

**Federalna uprava policije:**

1. U Federaciji Bosne i Hercegovine uništavanje objekata od općeg interesa (dalekovodi, saobraćajna signalizacija, šahtovi, kablovi i sl.) zbog otuđenja i prodaje u vidu sekundarnih sredstava s ciljem pribavljanja materijalne koristi sebi ili trećem licu predstavlja krivično djelo čija je inkriminacija propisana Krivičnim zakonom FBiH:

**Glava XXV „KRIVIČNA DJELA PROTIV IMOVINE“**

- **Član 286. Krađa** (sankcija: novčana kazna ili kazna zatvora do tri godine),
- **Član 287. Teška krađa** (sankcija: kazna zatvora od 6 mjeseci do 5 godina),
- **Član 293. Oštećenje tuđe stvari** (sankcija: novčana kazna ili kazna zatvora do 1 godine).

## Glava XXVII „KRIVIČNA DJELA PROTIV OPĆE SIGURNOSTI LJUDI I IMOVINE“

- **Član 324.** stav 2. **Uništenje ili oštećenje važnih privrednih objekata ili javnih naprava** (sankcija: kazna zatvora od 6 mjeseci do 5 godina).

## Glava XXVIII „KRIVIČNA DJELA PROTIV SIGURNOSTI JAVNOG PROMETA“

- **Član 334.** **Ugrožavanje javnog prometa opasnom radnjom** (sankcija: kazna zatvora do tri godine).

2. U vezi sankcioniranja firmi koje vrše otkup predmetnih materijala prema pravnom licu odnosno odgovornom licu može se primijeniti odredba **člana 300. Krivičnog zakona F BiH, „Prikriivanje“** za što je propisana novčana kazna ili kazna zatvora do tri godine.

Kontrolu i nadzor firmi koje vrše otkup sekundarnih sirovina vrši **Uprava za inspeksijske poslove kantona** u skladu sa Zakonom o trgovini i Zakonom o prikupljanju, proizvodnji i prometu sekundarnih sirovina i otpadnih materijala.

### **Ministarstvo unutrašnjih poslova Republike Srpske:**

1. Na teritoriji Republike Srpske predmetna pitanja regulirana su Krivičnim zakonom Republike Srpske. U **članu 231.** Pomenutog zakona predviđeno je krivično djelo **Krađa.** Stav (1) Ko oduzme tuđu pokretnu stvar u namjeri da njenim prisvajanjem pribavi sebi ili drugom protivpravnu imovinsku korist, kazniće se novčanom kaznom ili zatvorom do tri godine. Stav (2) Ako vrijednost ukradenih stvari ne prelazi iznos od 200 KM, a učinilac je išao za tim da pribavi malu imovinsku korist, kazniće se novčanom kaznom ili zatvorom do jedne godine.

Takođe, **članom 232.** Krivičnog zakona propisano je i krivično djelo **Teška krađa,** kojim je u Stavu 2 predviđeno da ako vrijednost ukradene stvari prelazi iznos od 10.000 KM, učinilac će se kazniti zatvorom od jedne do deset godina.

**Članom 405.** Krivičnog zakona Republike Srpske propisano je krivično djelo **Oštećenje ili uništenje javnih uređaja,** Stav (1) Ko uništi, ošteti, izmijeni, učini neupotrebljivim ili ukloni uređaje javne upotrebe za vodu, toplotu, gas, električnu ili drugu energiju ili uređaje sistema veza ili druge javne uređaje i time prouzrokuje poremećaj u životu građana ili funkcionisanju privrede, kazniće se zatvorom od šest mjeseci do pet godina. Stav (2) ako je usljed djela iz stava 1. ovog člana nastao znatan poremećaj u korištenju ovih uređaja, učinilac će se kazniti zatvorom od jedne do osam godina. Stav (3) Ako su djela iz stava 1. i 2. ovog člana učinjena nehatno, učinilac će se kazniti za djelo iz stava 1. zatvorom do dvije godine, a za djelo iz stava 3. zatvorom do tri godine.

2. Krivični zakon Republike Srpske u članu **246.** predviđa krivično djelo **Prikriivanje,** u Stavu (1) Ko stvar za koju zna da je pribavljena krivičnim djelom ili ono što je za nju dobijeno prodajom ili zamjenom prikriiva, protura, **kupuje,** prima u zalogu ili na drugi način pribavlja, kazniće se novčanom kaznom ili zatvorom do tri godine. Stav (2) Ako je djelo iz stava 1. ovog člana učinjeno u sastavu grupe ili zločinačke organizacije, ili ako vrijednost stvari koje se prikriivaju prelazi iznos od

20.000 KM, učinilac će se kazniti zatvorom od šest mjeseci do pet godina, a ako taj iznos prelazi 100.000 KM, kazniće se zatvorom od jedne do deset godina. Stav (3) Ko djelo iz stava 1. ovog člana učini, a mogao je i bio dužan da zna da je stvar pribavljena krivičnim djelom, kazniće se novčanom kaznom ili zatvorom do dvije godine.

Kažnjavanje firmi koje vrše otkup takvih materijala, izricanje kazne zabrane rada i u kojim situacijama je to predviđeno, je u nadležnosti pravosudnih institucija.

### **Policija Brčko Distrikta:**

1. Na teritoriji Brčko Distrikta BiH predmetno pitanje je regulirano Krivičnim zakonom Brčko Distrikta BiH – prečišćeni tekst („Službeni glasnik Brčko Distrikta BiH“ broj 47/11). Pomenuti Zakon, članom **318. (Uništenje ili oštećenje važnih privrednih objekata ili javnih naprava)** propisuje kaznu zatora u trajanju od jedne do deset godina za lica koja rušenjem, paljenjem ili na drugi način unište ili oštete, važan industrijski, poljoprivredni ili drugi privredni objekt, napravu ili postrojenje za vodu, toplinu, plin, električnu ili drugu energiju, sprave sistema veza ili druge naprave javne upotrebe i time izazovu njihov zastoj ili otežan rad.

U 2011. godini Policija je za navedeno krivično djelo podnijela tri Izvještaja o izvršenom krivičnom djelu nadležnom tužilaštvu protiv ukupno 11 lica. Na predmetne slučajeve se primjenjuju i član **280. (Krađa)**, odnosno član **281. (Teška krađa)** s obzirom na okolnosti i posljedicu koja je nastupila, tj. na obilježja krivičnog djela koja postoje u konkretnom slučaju.

Kada su u pitanju lica koja otkupljuju predmete pribavljene na jedan od navedenih načina, na njih se primjenjuje član **294. (Prikrivanje)**, te se isti uz Izvještaj procesuiraju prema nadležnom tužilaštvu. Policija ne raspolaže informacijama da li je licima koja su osuđena za ova krivična djela izrečena kazna zabrane rada.

2. Pored djelovanja na otkrivanju i procesuiranju lica koja eventualno izvrše neko od navedenih krivičnih djela, Policija u saradnji sa nadležnim institucijama Brčko Distrikta BiH, a naročito s inspekcijским službama, provodi kontinuirane aktivnosti obilaska i kontrole lica koja se bave otkupom sekundarnih sirovina i time preventivno utječu na ovu oblast.

**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-879/12  
Sarajevo, 23. 4. 2012. godine

01/e-50-1

25-04-2012



BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 25-04-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-23/12			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine je na 5. sjednici održanoj 18. 4. 2012. godine utvrdilo Odgovor na pitanje koje je postavio Saša Magazinović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupniku.

S poštovanjem,



**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-879/12  
Sarajevo, 23. 4. 2012. godine

Saša Magazinović, poslanik u Predstavničkom domu Parlamentarne skupštine Bosne i Hercegovine, na 23. sjednici Predstavničkog doma održanoj 16. februara 2012. godine, postavio je sljedeće poslaničko pitanje:

*„Zbog čega nije do sada i kada se namjerava potpisati sporazum između Bosne i Hercegovine i Republike Slovenije o ukidanju školarine za studente iz Bosne i Hercegovine?“*

Na postavljeno pitanje, Vijeće ministara Bosne i Hercegovine je na 5. sjednici održanoj 18. 4. 2012. godine, utvrdilo sljedeći

**ODGOVOR**

„Sporazum između Bosne i Hercegovine i Republike Slovenije o ukidanju školarine za studente iz Bosne i Hercegovine“ pod ovim nazivom, kako je naveden u poslaničkom pitanju, nikada nije bio iniciran niti dostavljen Ministarstvu civilnih poslova BiH na razmatranje.

Međutim, Ambasada Republike Slovenije u Bosni i Hercegovini je maju 2010. godine dostavila Ministarstvu civilnih poslova Bosne i Hercegovine nacrt Protokola o saradnji u oblasti obrazovanja između Republike Slovenije i Bosne i Hercegovine te zatražila stav o mogućnosti potpisivanja Protokola na redovnom zasjedanju ministara obrazovanja Vijeća Evrope, koje se održavalo u Republici Sloveniji 04-05. juna 2010. godine.

S tim u vezi, Ministarstvo civilnih poslova BiH je obavijestilo Ambasadu Slovenije u Bosni i Hercegovini da je zaključivanje, odnosno potpisivanje bilateralnog Protokola o saradnji između dvije države uvjetovano provođenjem odgovarajuće procedure propisane Zakonom o postupku zaključivanja i izvršavanja međunarodnih ugovora („Službeni glasnik BiH“, broj 29/00), što prije svega zahtijeva da Ministarstvo civilnih poslova BiH službenim putem dostavi nacrt Protokola na mišljenje nadležnim ministarstvima za obrazovanje u Bosni i Hercegovini a to su: Federalno ministarstvo obrazovanja i nauke, Ministarstvo prosvjete i kulture Republike Srpske i Odjel za obrazovanje u Vladi Brčko Distrikta BiH, te ukoliko nadležna ministarstva daju pozitivno mišljenje na nacrt Protokola, isti bi se uputio u dalju zakonsku proceduru koju realno nije moguće okončati do predloženog termina za potpisivanje.

Nakon toga, Ministarstvo vanjskih poslova BiH je dostavilo Ministarstvu civilnih poslova BiH na dalje postupanje Protokol o obrazovnoj saradnji između dvije zemlje, kojeg je prosljedila Ambasada Republike Slovenije u Sarajevu.

Ministarstvo civilnih poslova Bosne i Hercegovine tada je prihvatilo inicijativu slovenske strane za zaključivanje Protokola te, u skladu sa Zakonom o postupku zaključivanja i izvršavanja međunarodnih ugovora, isti uputilo na mišljenje nadležnim obrazovnim ministarstvima.

Nadležna ministarstva su dala pozitivno mišljenje na nacrt Protokola uz određene primjedbe i prijedloge, koje smo inkorporirali u tekst nacrta Protokola te još jednom uputili na mišljenje resornim ministarstvima, kao i Uredu za zakonodavstvo Vijeća ministara BiH i Ministarstvu finansija i trezora BiH.

***Protokolom je, između ostalog, predviđeno da će „potpisnici podsticati nadležne obrazovne vlasti da se za studente, državljane druge potpisnice, u pogledu plaćanja školarine za dodiplomske, diplomske i postdiplomske studije primjenjuju jednaka mjerila kao što vrijede za domaće učenike i studente“.***

*Dakle, ovim članom Protokola, a u skladu sa nadležnostima obrazovnih vlasti u BiH, reguliraju se pitanja u vezi sa uvjetima studiranja na bazi reciprociteta.*

*Napominjemo također da je predmet/svrha predloženog Protokola saradnja u oblasti osnovnog, srednjeg i visokog obrazovanja i u tu svrhu poticanje direktne saradnje i kontakata među obrazovnim ustanovama dvije zemlje.*

Nakon što su pribavljena neophodna mišljenja nadležnih institucija BiH, Protokol je dostavljen Vijeću ministara Bosne i Hercegovine koje je, na 146. sjednici održanoj 24.03.2011. godine, utvrdilo Prijedlog osnova za vođenje pregovora radi zaključivanja Protokola između Vijeća ministara Bosne i Hercegovine i Vlade Republike Slovenije o saradnji u oblasti obrazovanja, a potom je Predsjedništvo Bosne i Hercegovine na 8. redovnoj sjednici, održanoj 20.04.2011. godine donijelo Odluku o pokretanju postupka za vođenje pregovora radi zaključivanja **Protokola između Vijeća ministara Bosne i Hercegovine i Vlade Republike Slovenije o saradnji u oblasti obrazovanja.**

Shodno navedenom, nacrt Protokola je dostavljen Ministarstvu vanjskih poslova BiH (aktom Ministarstva civilnih poslova br. 09-33-1-1850-12-ST/10 od 10.05.2011. godine) s molbom da isti prosljede slovenskoj strani na mišljenje, te obavezno zatraže i dostave stav slovenske strane na izmjene i dopune Protokola, radi poduzimanja daljih aktivnosti u zakonskom postupku zaključivanja ovog međunarodnog ugovora. Do danas nismo dobili povratnu informaciju.

Nakon što Ministarstvo civilnih poslova BiH dobije stav slovenske strane na izmijenjeni tekst nacrta Protokola, usaglašeni tekst nacrta Protokola će se uputiti Vijeću ministara BiH te Predsjedništvu BiH radi usvajanja Protokola i određivanja potpisnika.

Dakle, Protokol između Vijeća ministara Bosne i Hercegovine i Vlade Republike Slovenije o saradnji u oblasti obrazovanja je u proceduri a za potpisivanje Protokola neophodno je provesti sve korake propisane Zakonom o postupku zaključivanja i izvršavanja međunarodnih ugovora („Službeni glasnik BiH“, broj 29/00).